

玉海



040

1000:88

34896

通鑑地理通釋卷十二

浚儀王應麟伯厚甫

三國形勢攷下

吳之亡雖後於蜀而其亡國之兆已在於蜀亡之時
蓋吳居東蜀居西東西之勢相爲唇齒孫權之與昭
烈氣雖不相下而實相資故權以荊州借蜀而蜀亦
結好於權終老瞞之生不敢窺吳蜀借乎昭烈纔得
荊州而孫權卽擒關羽其後魏師之入蜀不能求救
於吳而吳亦坐視蜀之亡徘徊於壽春沔中而莫能
勇於救蜀是以蜀亡而吳亦從之

通志卷十二
吳重鎮

上鎮

通典吳以建平西陵樂鄉南郡巴兵夏口武昌皖城

牛渚圻濡須塢並爲重鎮

郡縣志十鎮並爲重鎮

其後得沔口

邾城廣陵胡文定公設險論曰地有常險則守亦有常勢當孫氏時上流爭襄陽而不得故以良將守南郡與夷陵下流爭淮南而不得故以大衆築東興與皖口中流爭安陸而不得故以三萬勁卒戍邾城與建平

通典歸州漢屬南郡吳置建平郡

在秭歸縣

以爲重鎮

其地險固晉主濬自蜀泐流伐吳吳守將吾彥請

建平增兵若建平不下晉師終不敢過卽秭歸縣界太清鎮在縣東南八十五里吳置以備蜀號吳

城居三峽要衝塞山蠻之路隋於此置鎮

楚熊繹初都丹

陽今縣東南七里故城是也古夔子國城在郡東二十里

陸抗曰西陵建平國

之蕃表旣處下流受敵二境晉志蜀分南郡立宜

都郡後屬吳孫休分宜都立建平郡

水經注宜都郡治在夷道

縣東四百步故城陸遜所築爲二江之會

西陵 峽口

通典峽州楚夷陵漢屬南郡魏武置臨江郡蜀攻爲宜都吳黃武元年破蜀改夷陵爲西陵常爲重

鎮陸遜曰夷陵要害國之關限若失之則荊州可

憂陸抗曰西陵國之西門唐爲峽州扼三峽之口

西通蜀江

夷陵縣有夷山故城在縣西北吳之西陵昔復改爲夷陵巴山縣古關楚蕭

王拒蜀處空都縣有荆門虎牙二山狼尾灘

輿地廣記郡城陸抗所築

郡縣志陸遜爲宜都守鎮此蜀來伐大破之後陸

抗鎮焉西陵峽山在夷陵西北二十五里陸遜破

蜀還屯夷陵守峽口以備蜀卽此荊州記曰自縣

泝江二十里入峽口名爲西陵峽長二十里層巖

萬仞所謂三峽卽其一也或曰巴東自有三峽此

卽峽石也州城陸抗之壘也水經注夷水逕宜都

北夷入大江江水東逕黃牛山又東逕西陵峽又

東逕陸抗故城北注云宜都記曰自黃牛灘東入

西陵界至峽口百許里山水紆曲

三峽廣溪峽巫峽西陵峽也廣

溪爲三峽之首昔禹鑿以通江所謂巴東之峽東至西陵七百里巫峽因山爲名瞿塘峽在夔州奉節縣東三里不在三峽之數自三峽七百里中兩岸連山略無闕處重巖疊障隱天蔽日

吳紀

陟曰自西陵以至江都五千七百里疆界雖遠其

險要必爭之地不過數四胡文定公曰湖北要會

右荆峽故劉表時軍資寓江陵先主時重兵屯油

口關羽孫權則并力爭南郡陸抗父子則協規守

宜都晉大司馬溫及其弟沖則深據渚宮與上明

此皆荆峽封境也

辨公論陸公以偏師三萬北據東坑注東坑在西陵步關城東

北長十餘里陸坑所築之城在東坑上當關城之北其迹並存荆州圖記夷陵縣南對岸有陸抗故

城周廻十里三百四十步卽山爲壙四面天險

樂鄉

通典樂鄉城在江陵府松滋縣東七十里吳建衡

三年陸抗所築後朱然修之戊焉然子績爲樂鄉

督陸抗傳永安二年都督西陵建衡二年都督信

陵西陵夷道樂鄉公安諸軍事治樂鄉晉庾翼請

據樂鄉廣農穡穀以伺二寇之釁王述曰彼去武

百千有餘里江渚有虞不相接救

水經江水又逕屏陵縣之樂鄉

北注云陸抗所築通典馬頭故戍城在公安縣西北六十

里陸抗所屯以北對江津與羊祜相拒水經注江
津戍南對馬頭岸

南郡

通典今江陵府吳將張威伍延守之郡縣志吳克
荊州呂蒙及朱然陸遜相繼守之晉平吳改爲南
平郡治江安今公安縣尋復爲南郡羊祜杜預繼治荆

州或鎮襄陽或鎮江陵東晉王忱始於江陵營城
府此後常以江陵爲州治唐上元元年改荊州爲
江陵府自東晉以後居建業以楊州爲京師根本

荊州爲上流重鎮比周之分陝焉渚宮楚別宮今
州所治卽其地何承天曰吳城江陵移入南岸周
瑜領南郡太守屯據江陵南齊州郡志漢中平末
荊州刺史王睿始治江陵吳時西陵督鎮之晉平
吳以爲刺史治陶侃爲刺史治沌口王敦治武昌
其後或還江陵或在夏口桓溫平蜀治江陵桓冲
避居上明頓陸遜樂鄉城上四十餘里以接近三
峽無西疆之虞故重戍江南輕戍江北後復得襄
陽太元十四年王忱還江陵江陵去襄陽步道五百勇同唇齒江
左大鎮莫過荆揚接荊州爲陝西胡氏曰孫皓之季慮不

及遠徹南郡之備專意下流於是杜預王濟一舉
取之何充謂荆楚國之西門得人則中原可定失人則社稷可憂宋武帝以荊州居上流之重資實兵甲居朝廷之半故以諸子居之不以屬人水經注秦以漢南地置南郡周書曰南國名也南氏有二臣爭權君弗能制南氏因分為二南國按韓嬰叙詩云其地在南郡南陽之間呂氏春秋謂禹自塗山南省南土是郡取名焉

巴丘

通典今岳州吳爲重鎮魯肅萬賊屯於此東晉使
陶侃鎮守郡縣志岳州巴陵縣本漢下雋縣之巴
丘地下雋屬長沙故城在今蒲圻縣界吳初巴丘置大屯戍使魯

肅守之蜀志曰西增白帝之兵東益巴丘之戍巴

陵城對三江口岷江爲西江豐江爲中江湖湘江爲南江巴丘湖又名

青草湖在縣南七十九里周回二百六十五里俗云即古雲夢澤水

經注巴丘山在湘水右岸山有巴陵故城本吳之

巴丘邸閣城也晉立巴陵縣於此宋立巴陵郡陶

侃以江陵偏遠移鎮巴陵

夏口

南齊志夏口吳置督將爲魯口屯對魯山岸因爲

名晉永嘉中荊州刺史山簡自襄陽奔夏口庾翼

爲荊州治夏口並依地峻也太元中桓沖移鎮上

明上表言江州刺史桓嗣宜進屯夏口據上下之

中於事爲便義熙元年劉毅以爲夏口二州之中

地居形要控接湘川邊帶滄沔請荊州刺史劉道

規鎮夏口六年自臨鄣徙治夏口城據黃鵠磯邊

江峻險樓櫓高危瞰臨沔漢郡縣志鄂州春秋時

謂之夏汭漢爲沙羨之東境吳錄黃祖爲江夏太守始於沙羨置屯

自後漢末謂之夏口亦名魯口爲吳之要害常以

重兵鎮之周瑜請精兵進住夏口魏司馬懿曰夏口東關敵

之心喉東晉孝武時桓石仁屯守宋孝武分荆湘

江三州之八郡爲郢州以分上流之勢鎮夏口隋平

陳改爲鄂州州城本夏口城吳黃武二年城江夏

以安屯戍地也城西臨大江西角因磯爲樓名黃
鶴樓吳魯肅爲夏口督晉地理志沙羨有夏口對
沔口有津吳志赤烏二年城沙羨江夏縣本漢沙羨縣地括
地志漢水始欲出大江爲夏口又爲沔口輿地廣
記按水經注夏水本江之別出自江陵縣東南流
又東過華容縣南今石首縣又東至雲杜縣今復州沔陽縣入
沔謂之賭口冬竭夏流故曰夏水自賭口下沔水
通兼夏口而南至魯山下會于江在今江夏縣西
通典建安十三年孫權克黃祖後置兵鎮卽今鄂
州水經沔水南至江夏沙羨縣北南入于江注庾

休雍曰夏口一曰沔口江水東至華容縣西夏水
出焉注船官浦東卽黃鵠山東北對夏口城孫權
所築也依山傍江對岸則入沔津故城以夏口爲
名亦沙羨縣治

按水北曰沔則夏沔者江北之何
夏口左傳注漢水曲入江處

何

尚之云夏口在荆江之中正對沔口後漢劉表傳

注夏口卽今鄂州宋元徽元年夏口闕鎮以其地

居尋陽上流欲使腹心居之齊劉懷珍曰夏口兵

衝要地宜得其人薛氏曰夏口南臨大山三方阻

水漢陽以北限隔陂湖虜出上蔡則武昌夏口當

其衝

陸口

魯肅呂蒙屯陸口

陸遜代蒙至陸口呂岱還陸口

在鄂州蒲圻縣

南窠字記曰卽陸溪口也

魯肅爲漢昌太守漢昌岳州平江縣吳曰吳昌

水經注練浦東合練口江浦也南直練洲江之右

岸得蒲磯口卽陸口也水出下雋縣西三山溪其

水東逕陸城北又逕下雋縣北北對金城吳將陸

渙所屯也陸水又入蒲圻縣北逕呂蒙城西昔孫

權征長沙零桂所鎮也陸水又逕蒲磯山北入大

江北對蒲圻洲卽蒲圻縣治也白沙口一名沙屯

南直蒲圻洲水北八百餘里吳所屯也

建安十九年孫權遣

呂蒙取長沙零陵桂陽三郡使魯肅屯郡縣志曰巴丘以禦關羽權住陸口為諸軍節度

蒙城在鄂州蒲圻縣西南八十里定荊州於此鎮

守本以美地吳分立蒲圻縣本屬長沙郡隋屬鄂州

武昌

通典建安二十五年吳城武昌陸遜諸葛恪滕牧

鎮守今鄂州武昌縣東晉謝尚庾翼屯守於此郡

縣志武昌縣舊名鄂本楚熊渠封中子紅於此漢

以為縣屬江夏郡吳以下雉尋陽陽新柴桑沙美

武昌六縣為武昌郡黃武初自建業徙都還都故

都城在縣東一里餘本漢將灌嬰所築晉陶侃温

嶠桓溫爲刺史並治其地嘉定十五年以武昌縣置壽昌武晉志

武昌郡領縣七有沙羨鄂武昌三縣沙羨今鄂州也武昌故東

鄂今州東北八十里武昌山在縣南百九十里鄂

縣有新興鐵官蓋東近興國軍界非今之鄂州也

宋志江夏郡治夏口而鄂縣隸武昌郡吳改鄂爲

武昌晉太康元年復立鄂縣而武昌如故隋廢鄂

縣入水經注孫權改鄂曰武昌鄂縣徙治於袁山

武昌

東又立爲江夏郡分建業之民千家以益之黃龍

元年權遷都建業以陸遜輔太子鎮武昌孫皓亦

都之皓還東令滕牧守之晉永平中始置江州傳

綜爲刺史治此城後庾亮之所鎮也今武昌郡志

城南有袁山卽樊山也晉王述曰武昌實是江東